



Prevela i za web prilagodila Svjetlana Bjelić

# Pita za neprijatelja

*napisao Derek Munson  
ilustrovala Tara Calahan King*

Bilo je to jedno savršeno ljeto sve dok se Džeremi Ros nije doselio blizu mog najboljeg prijatelja Stenlija. Nije mi se sviđao Džeremi. Napravio je zabavu a mene nije ni pozvao. A pozvao je mog najboljeg prijatelja Stenlija.

Nikada nisam imao neprijatelja dok se Džeremi nije doselio u susjedstvo. Tata mi je rekao da je i on imao neprijatelje kada je bio mojih godina. Ali on je znao na koji način da ih se oslobodi.

Tata je izvukao izlizani komadić papira iz knjige kuharskih recepata.



„Pita za neprijatelja,” rekao je zadovoljno.

Možda se pitate šta je zapravo Pita za neprijatelja. Tata je rekao da je recept takva tajna koju čak ni meni ne bi mogao reći. Molio sam ga da mi kaže nešto - bilo šta.

“Reći ću ti ovo Tom” rekao je. „Pita za neprijatelja je najbrži poznati način da se oslobodiš neprijatelja.”

To me je navelo na razmišljanje. Koje neprijatne sastojke bih ja stavio u Pitu za neprijatelja? Odnio sam tati crve i kamenčiće, ali on ih je odmah vratio.

Izašao sam napolje da se igram. Sve vrijeme čuo sam zvukove koje je tata pravio u kuhinji. Ovo bi ipak moglo da bude jedno divno ljeto.

Pokušao sam zamisliti kako grozno Pita za neprijatelja možda miriše. Ali namirisao sam nešto zaista dobro. Koliko sam mogao shvatiti, miris je dolazio iz naše kuhinje. Bio sam zbunjen.

Ušao sam u kuhinju da pitam tatu šta nije u redu. Pita za neprijatelja ne bi trebala mirisati tako dobro.

Ali, tata je bio mudar. “Kada bi pita mirisala loše, tvoj neprijatelj je nikada ne bio pojeo”, rekao je. Pomislio sam da je i prije pravio ovu pitu.

Alarm na retni je zazvonio. Tata je navukao kuhinjske rukavice i izvadio pitu. Izgledala je sasvim dobro za jelo! Počeo sam shvatati.

Još uvijek nisam bio siguran kako Pita za neprijatelja djeluje. Šta ta pita stvarno učini neprijateljima? Možda im kosa otpadne ili im smrdi iz usta. Pitao sam tatu, ali od njega nije bilo pomoći.

Dok se pita hladila, tata mi je rekao šta da uradim.

Rekao je šapatom. „Da bi pita djelovala, treba da provedeš jedan dan sa neprijateljem. Šta više, moraš da budeš ljubazan prema njemu. To nije jednostavno. Međutim, to je jedini način na koji Pita za neprijatelja može da djeluje. Da li si siguran da želiš to da uradiš?”

Naravno da sam bio siguran.

Samo je trebalo provesti jedan dan sa Džeremijem da on ode iz mog života. Odvezao sam se biciklom do njegove kuće i pokucao na vrata.

Kada je Džeremi otvorio vrata, bio je iznenađen.



„Možeš li izaći napolje da se igramo?” upitao sam.

Zbunio se. „Idem da pitam mamu”, rekao je. Vratio se sa cipelama u ruci.

Vozali smo malo bicikle pa smo jeli sendviče. Kada smo završili otišli smo mojoj kući.

Možda izgleda neobično, ali ja sam se jako lijepo proveo sa svojim neprijateljem. Nisam to mogao reći tati, jer se namučio da napravi pitu.

Igrali smo igrice sve dok nas tata nije pozvao na ručak.

Tata je napravio moje omiljeno jelo. Bilo je to također i Džeremijevo omiljeno jelo! Na kraju krajeva

možda Džeremi i nije tako loš momak. Počeo sam razmišljati da možda treba da zaboravimo na Pitu za neprijatelja.

„Tata”, rekao sam. „Baš je lijepo imati novog prijatelja.” Pokušavao sam mu reći da Džeremi nije više moj neprijatelj. Tata se samo smješкао i vrtio glavom. Čini mi se da je mislio da se samo pretvaram.

Tata je iznio pitu poslije ručka. Poslužio je tri tanjira, jedan je dodao meni a jedan Džeremiju.

„Au!” rekao je Džeremi, gledajući pitu.

Uhvatila me panika. Nisam želio da Džeremi jede Pitu za neprijatelja! On je bio moj prijatelj!

„Nemoj da je jedeš!”, uzviknuo sam. “Ništa ne valja!”

Džeremijeva viljuška se zaustavila prije nego je prinio ustima. Gledao je u mene iznenađeno. Osjetio sam olakšanje. Spasio sam mu život.



„Ako je tako loša”, upita Džeremi “zašto je onda tvoj tata već pojeo pola pite?”

I stvarno, tata je jeo Pitu za neprijatelja.

„Dobra pita”, mrmljao je tata. Sjedio sam i posmatrao ih kako jedu. Nijednom od njih nije opadala kosa!

Činilo se da je pita bezopasna pa sam i ja uzeo komadić. Bila je ukusna!

Poslije jela Džeremi me pozvao da dođem kod njega sljedećeg jutra.

Što se tiče Pite za neprijatelja, još uvijek ne znam kako se pravi. Još se pitam da li je neprijatelji zaista mrze, da li im opada kosa ili im smrdi iz usta. I ne znam hoću li ikada saznati odgovor jer sam upravo izgubio svog najvećeg neprijatelja.

## **Pitanja - Pita za neprijatelja**

---

1. Ko kazuje priču?

A Džeremi

B Tata

C Stenli

D Tom

---

2. Zašto je Tom na početku priče mislio da je Džeremi njegov neprijatelj?

---

3. Napiši jedan sastojak koji bi, po Tomovom mišljenju, trebao da bude u Piti za neprijatelja.

---

---

4. Nađi dio priče koji se nalazi pored slike sa komadom pite. Zašto je Tom mislio da bi ovo ipak moglo da bude jedno divno ljeto?

- A Volio se igrati napolju.
- B Bio je uzbuđen zbog tatinog plana.
- C Našao je novog prijatelja.
- D Želio je probati Pitu za neprijatelja.

---

5. Kako se Tom osjećao kada je prvi put osjetio miris Pite za neprijatelja? Objasni zašto se tako osjećao.

---

---

6. Šta je Tom mislio da bi se moglo dogoditi kada bi neprijatelj pojeo Pitu za neprijatelja? Napiši jedan primjer.

---

---

7. Koja dva savjeta je tata dao Tomu da bi Pita za neprijatelja djelovala?

---

---

8. Zašto je Tom otišao do Džeremijeve kuće?

A Da pozove Džeremija na ručak.

B Da zamoli Džeremija da ostavi Stenlija na miru.

C Da pozove Džeremija da se igraju.

D Da zamoli Džeremija da bude njegov prijatelj.

---

9. Šta je Tomu bilo neobično nako što je proveo dan sa Džeremijem?

---

10. Zašto je Tom za vrijeme ručka pomislio da on i tata treba da zaborave na Pitu za neprijatelja?
- A Tom nije htio da dijeli pitu sa Džeremijem.
  - B Tom je mislio da Pita za neprijatelja neće djelovati.
  - C Tomu se počeo dopadati Džeremi.
  - D Tom je želio da Pita za neprijatelja ostane tajna.
- 

11. Kako se Tom osjećao kada je tata pružio komad Pite za neprijatelja Džeremiju?
- A uznemireno
  - B zadovoljno
  - C iznenađeno
  - D zbunjeno



---

12. Šta je tata skrivao o Piti za neprijatelja?

- A Bila je to obična pita.
- B Bila je to neukusna pita.
- C Bilo je to njegova omiljena pita.
- D Bila je to otrovna pita.

---

13. Pogledajte ovu rečenicu s kraja priče:

„Poslije jela Džeremi me pozvao da dođem kod njega sljedećeg jutra.”

Šta to govori o dječacima?

- A Oni su još uvijek neprijatelji.
  - B Ne vole se igrati u Tomovoj kući.
  - C Željeli su pojesti nešto više Pite za neprijatelja.
  - D Oni mogu biti prijatelji u budućnosti.
-

---

14. Na osnovu pročitanoog teksta objasni zašto je zapravo Tomov tata napravio Pitu za neprijatelja.

---

15. Kakva je osoba Džeremijev tata? Navedi jedan primjer iz priče koji to pokazuje.

---

16. Koja je za tebe pouka ove priče.

Iz Pita za neprijatelja © 2000 autora Dereka Munsona (tekst) i Tare Calahana King. Koristi se uz dopuštenje Chronicle Books LLC, San Francisco. Posjetite [ChronicleBooks.com](http://ChronicleBooks.com)